

杭州府志

三八

杭州府志卷八十二

祥異一

五行淑慝二氣之繇曰貞曰悔爲萬物誘蹈和祓盭惟有司
守災祥在政無以民疚志祥異第二十七

漢

孝武帝天漢五年夏四月錢塘江岑石不見七年復見

越絕書

按乾隆志云天漢無五年今從越絕書舊文

孝獻帝建安八年吳陸遜爲海昌屯田都尉并領縣事縣連年亢

旱

三國志吳
陸遜傳

吳

吳大帝赤烏二年饑

錢塘縣志

按三國志有赤烏三年冬十一月民饑開倉廩以賑貧窮之文亦未言饑之所在錢塘志乃於二年書饑未詳何据今仍乾隆志錄入

十二年六月寶鼎出臨平湖

宋書符瑞志

按文獻通考載赤烏十二年不書月萬曆志書蜀延熙年號而以六月爲十二月與宋書異乾隆志仍之考三國時杭地隸吳繫年故當從吳而以宋書爲据咸淳志亦作赤烏十二年六月戊戌

吳主亮建興二年十一月有大鳥五見於春申吳人以爲鳳皇明

年改元五鳳

文獻通考

吳主休永安三年春三月西陵赤鳥見

三國志吳三嗣主傳

吳主皓天璽元年吳郡言臨平湖自漢末草穢壅塞今更開長老

相傳此湖塞天下亂此湖開天下平又於湖邊得石函中有小石

青白色長四寸廣二寸餘刻上作皇帝字於是改年大赦

三國志吳三嗣

主傳

按是年卽晉武帝咸甯二年晉書武帝紀亦載此事作咸甯

二年秋七月乾隆志引綱目作咸甯三年非

晉

武帝太康九年春正月吳興地震

晉書五行志

按乾隆志引通志災祥略次於咸甯三年後書爲九年考咸甯無九年當是失書太康二字今據晉書考正

惠帝中吳郡臨平岸崩出一石鼓槌之無聲帝以問張華華曰可取蜀中桐材刻爲魚形扣之則鳴矣如其言果聲聞數里

晉書張華傳

愍帝建興四年有玉册見於臨安

晉書元帝紀

按元帝紀書此無建興四年文乾隆志蓋據上文西都不守之言斷爲是年也

元帝太興二年吳郡吳興無麥禾大饑

晉書五行志

按晉書元帝紀書五月文獻通考書五月蝗

八月吳郡米廩無故自壞

同上

三年四月庚寅吳郡地震

同上

按乾隆志引鄭樵通志作五月與晉書異文獻通考亦作四

月

永昌二年五月吳興大水

同上

十二月吳郡雷震電

同上

按晉書元帝改元永昌次年卽明帝太甯元年永昌無二年也今從五行志原文文獻通考亦作永昌二年

明帝太甯元年五月吳興郡大水

同上

三年三月白鳥見吳郡

宋書符瑞志

成帝咸和四年七月吳興大水

晉書成帝本紀

十一月吳郡震電

晉書五行志

六年夏六月錢塘人家豨豕產兩子皆人面如胡人狀其身猶豕

同上

九年四月甘露降錢塘右鄉康巷之柳樹

宋書符瑞志咸淳志書五月甲寅

五月白鳶見錢塘吳國內史虞潭以獻

同上咸淳志書五月癸酉

咸康元年饑

康熙錢塘縣志

按乾隆志於咸康元年上始書成帝而以咸和接隸明帝太

甯後

康帝建元元年秩七月庚申吳郡災

晉書康帝本紀

按乾隆志引鄭樵通志作庚寅災風考晉書五行志及文獻

通考俱作庚申今從晉書又通志火類又作七月庚辰亦異

海西公太和四年十月浙西火

文獻通考

按乾隆志引作三年

六年六月吳興大水

晉書海西公紀

簡文帝咸安二年三吳大旱

晉書孝武帝紀

安帝隆安初吳郡治下夜狗吠聚高橋上人家狗有限而吠聲甚衆或夜覘之云一狗有兩三假頭皆向前亂吠無幾孫恩亂吳會

焉

晉書五行志

元興元年七月大饑吳郡戶口減半又流奔而西者萬計

文獻通考

二

年十月錢塘臨平湖水赤

晉書五行志

按錢塘縣志作元興元年

義熙十一年京都所在大行火災吳界尤甚火防甚峻猶自不絕
王宏時爲吳郡晝在廳事見天上有一赤物下狀如信幡遙集路
南人家屋上火卽大發同

按安帝元興二年次年卽改元義熙乾隆志引通志作元興
十一年

宋

文帝元嘉水

錢塘縣志

時謠言錢塘當出天子乃于錢塘置戍軍以防

之

宋書符瑞志

七年吳興大水

南史文帝紀

十二年六月江東諸郡大水民人饑饉吳郡之錢塘斗米三百

宋書

沈演之傳

按文獻通考元嘉十二年六月吳興大水與宋書同而乾隆志於義熙十一年後接書安帝義熙十二年六月吳郡吳興郡大水引文獻通考今按通考是年無此文又檢鄭樵通志及晉書五行志皆無之

餘杭縣高隄崩隕洪流迅激勢不可量餘杭縣劉道錫躬先吏民親執版築塘既屹立縣治獲全

宋書傳

十三年九月己酉會稽西南有青龍騰躍淩雲吳興諸處并以其日同見光景

宋書符瑞志

十八年秋七月吳郡鹽官獲白雀太守劉楨以獻同

十九年夏四月戊申餘杭獲白龜以獻同

二十年夏四月吳興郡餘杭見白龜揚州刺史始興王濬以聞同

秋七月吳興郡後池芙蓉二花一蒂同

二十三年吳郡鹽官縣野稻自生三十餘種同

二十四年四月白雀產鹽官民家同

孝武帝大明元年五月吳興郡大水人饑南史宋孝武帝紀

明帝泰始六年九月己巳八眼龜見吳興宋書符瑞志

七年春二月錢塘生連理木吳郡太守王延之以聞同

按康熙仁和志引宋書載此事爲文帝元嘉四年誤

順帝昇明元年吳興餘杭舍亭禾蕈樹生李實禾蕈樹民間所謂

胡頹樹

宋書五行志

冬十月於潛縣桃李柰實

同上

二年二月於潛翼異山一夕五十二處出水漂流民居

同上

齊

高帝建元元年吳興郡大水

鄭樵通志
災祥畧

按南齊書五行志作二年而高帝本紀作元年夾漈從本紀

文也

四年吳興郡水蠲租

南史齊武帝紀

按武帝紀建元四年三月卽位水災卽在是年乾隆志引作

永明元年

武帝永明元年八月鹽官內樂村木連理

南齊書
祥瑞志

四年春二月丙寅大風吳郡偏甚樹葉皆赤

南史齊
武帝紀

五年吳興水雨傷稼

南齊書
五行志

七年吳郡太守江數于錢塘縣獲蒼玉璧一枚以獻

南齊書
祥瑞志

六月鹽官縣獲白雀

同上

九年鹽官石浦有海魚乘潮而來水退不得去長三十餘丈黑色

無鱗未死有聲如牛土人呼爲海燕取其肉食之

南齊書
五行志

秋七月錢塘獲白雀

南齊書
祥瑞志

八月吳興大水乙卯蠲租

南史齊
武帝紀

梁

武帝天監七年鹽官邑人宏靈度井中放光三日不止獲銅僧伽

像因捨宅爲慶善寺

乾隆志

中大通三年秋吳興生野稻饑者賴焉

梁書武帝紀

元帝承聖元年十二月星隕吳郡

乾隆志

陳

後主禎明二年臨平湖草舊塞忽然自通

南史陳後主紀

按乾隆志云萬厯舊志載在元年以史考之實二年也文獻

通考陳後主末年臨平湖草久塞忽然自通舊志作文帝天

嘉元年不足信

隋

文帝開皇六年春二月乙酉浙大水

鄭樵通志
災祥略

煬帝大業十二年五月癸巳大流星隕於吳郡爲石

乾隆志

唐

高宗永徽四年杭州水

唐書五
行志

中宗嗣聖十二年富陽令李濬築江隄捍水患

乾隆志
引舊志

按嗣聖十二年卽周武氏證聖元年也九年改元天冊萬歲

此從綱目書唐年號

武后證聖元年六月隕霜

康熙錢
塘縣志

肅宗乾元元年浙江水旱重困民多疫死

同上

代宗廣德元年浙西火災

康熙和縣志

代宗大曆二年秋浙東西水災

唐書五行志

按乾隆志引萬曆志作元年

十年七月杭州海溢

同上萬曆志秋七月大風海水翻潮湖州民五千家船千艘

德宗貞元六年夏浙西大旱井泉竭人渴且疫死者甚衆

同上

夏浙

西疫

同上

八年浙西州縣大水壞廬舍漂殺人

同上

順宗永貞元年秋浙江旱

同上

六年夏大旱

富陽縣志

憲宗元和四年秋浙西旱

唐書五行志

穆宗長慶元年四月有大星墜于吳郡

乾隆志

四年秋浙西旱

乾隆志引

舊志

敬宗寶歷元年秋浙西旱

唐書五行志五

文宗太和元年春浙西大疫

富陽縣志

四年夏浙西大水害稼

唐書五行志五

十月浙西火

同上

五年夏六月辛卯杭州水害稼

乾隆志唐書五行志是年夏六月浙西大水

按乾隆志引舊志無原書可考證以唐書不爲無據

六年五月杭州八縣灾疫

唐書文宗紀

七年秋浙西大水害稼

唐書五行志

宣宗大中五年臨安縣大旱

吳越備史